

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10), razmatrajući Informaciju o stanju iz područja lovstva u Brčko distriktu BiH, Skupština Brčko distrikta BiH, na II. nastavku 27. redovne sjednice održanom 24. juna 2010. godine, donosi

## **ZAKLJUČAK**

1. Imajući u vidu značaj lovstva, kao društvene djelatnosti, Skupština Brčko distrikta BiH smatra da je potrebno da komisija koju će sačinjavati predstavnici Vlade i Skupštine, procijeni da li su se stvorili uslovi za otvaranje lovne sezone i o svom mišljenju i prijedlogu obavijesti nadležne institucije.
2. Komisija za ekonomski razvoj i poljoprivredu će u saradnji sa Policijom i Vladom predložiti sedmočlanu komisiju iz tačke 1 ovog zaključka, koju će imenovati Skupština Brčko distrikta BiH.
3. U vrijeme lovne sezone na području Brčko distrikta BiH potrebno je obezbijediti dosljedno poštovanje važećih propisa u oblasti lovstva postojećim resursima Inspektorata, Odjeljenja za poljoprivredu, šumarstvo i vodoprivredu - (lugarima), i Policije Brčko distrikta BiH.
4. Komisija iz tačke 1 ovog zaključka će sagledati stanje postojećih lovačkih društava, lovišta, problema koji su doveli do zabrane lova i predložiti rješenje za prevazilaženje postojeće situacije u lovstvu.
5. Obavezuje se Vlada Brčko distrikta BiH da Prijedlog zakona o lovstvu Brčko distrikta BiH uputi najkasnije do 1. 9. 2010. godinu u skupštinsku proceduru, uz aktivno učešće članova komisije iz tačke 1 ovog zaključka u izradi Prijedloga zakona.
6. Ovaj zaključak stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-250/10.  
Brčko, 24. 6. 2010. godine

**PREDSJEDNIK**  
**SKUPŠTINE BRČKO DISTRIKTA BiH**  
**Mirsad Đapo, dipl. pravnik, s.r.**